

**BOSNA I HERCEGOVINA**  
**FEDERACIJA BOSNE I HERCEGOVINE**  
**UNSKO-SANSKI KANTON**  
**GRAD BIHAĆ**  
**GRADONAČELNIK**

Broj: 04/1-19-5-\_\_\_\_\_/21

Bihać, 04.03.2021. godine

Na osnovu člana 183. stav (2) Poslovnika Gradskog vijeća ("Službeni glasnik Grada Bihaća", br: 03/16, 4/20), Gradonačelnik u svojstvu predlagača propisa i drugih akata

**O d r e đ u j e**

Izvjestioca: Vildanu Zulić, pomoćnik gradonačelnika za strateško planiranje, upravljanje projektima, komunalne djelatnosti, vode, zaštitu okoliša i komunalnu inspekciju na sjednici Gradskog vijeća i radnim tijelima po prijedlogu tačke dnevnog reda:

-Prijedlog Odluke o uslovima i načinu korištenja plovila na rijeci Uni

Gradonačelnik  
Šuhret Fazlić

**BOSNA I HERCEGOVINA**  
**FEDERACIJA BOSNE I HERCEGOVINE**  
**UNSKO-SANSKI KANTON**  
**GRAD BIHAĆ**  
**GRADONAČELNIK**

Služba za strateško planiranje, upravljanje projektima,  
komunalne djelatnosti, vode i zaštitu okoliša  
Broj: 04/1-19-5-\_\_\_\_\_/21  
Bihać, 04.03.2021. godine

Na osnovu člana 52. tačka a) Statuta Grada Bihaća ("Službeni glasnik Grada Bihaća" br: 13/15 i 13/18), dostavljam vam Prijedlog Odluke o uslovima i načinu korištenja plovila na rijeci Uni, na razmatranje radi donošenja.

**O b r a z l o ž e n j e**

***Pravni osnov za donošenje:***

Pravni osnov za donošenje Prijedloga Odluke o uslovima i načinu korištenja plovila na rijeci Uni, sadržan je u:

-članu 6. Zakona o unutrašnjoj i pomorskoj plovidbi („Službene novine Federacije BiH“, broj: 73/05), kojim je, između ostalog, propisano da se obala i priobalni pojas na plovnim putevima mogu koristiti u skladu sa odlukom nadležnog organa u Federaciji BiH, odnosno kantonu, općini uz prethodno pribavljenu saglasnost nadležne kapetanije i u skladu sa zakonom kojim se određuju: način, uslovi i vrijeme korištenja, područje obale i priobalnog pojasa koji se daju na korištenje i ovlaštenja korisnika,

-članu 12. Zakona o lokalnoj samoupravi Unsko-sanskog kantona („Službeni glasnik USK-a“, br: 8/11), kojim je propisano da u vlastite nadležnosti jedinice lokalne samouprave posebno spadaju: utvrđivanje i provođenje politike uređenja prostora i zaštite čovjekove okoline (alineja č), te donošenje propisa o porezima, naknadama, doprinosima i taksama iz nadležnosti jedinice lokalne samouprave (alineja nj), i

-članu 35. alineji c) Statuta Grada Bihaća ("Službeni glasnik Grada Bihaća", br: 13/15 i 13/18), kojim je propisano da Gradsko vijeće donosi odluke i druge opće akte kojima uređuje pitanja iz samoupravnog djelokruga Grada i daje njihovo tumačenje, i alineji i) kojom je propisano da Gradsko vijeće donosi propise o porezima, taksama, naknadama i drugim prihodima od interesa za Grad.

***Razlozi donošenja:***

Izradi ponovnog prijedloga Odluke o uslovima i načinu korištenja plovila na rijeci Uni pristupilo se radi sljedećih razloga:

Zaključkom Gradskog vijeća, broj: GV-02-85/20 od 03.07.2020. godine, prihvaćen je Nacrt Odluke o uslovima i načinu korištenja plovila na rijeci Uni, nakon čega je u cjelosti provedena propisana javna rasprava, te pripremljen i Gradskom vijeću dostavljen na razmatranje Prijedlog Odluke o uslovima i načinu korištenja plovila na rijeci Uni.

Navedeni Prijedlog, koji je razmatran na 57. sjednici Gradskog vijeća Bihać održanoj dana 03.09.2020. godine, sadržavao je sve primjedbe i sugestije dostavljene tokom javne rasprave od strane Agencije za vodno područje rijeke Save, Federalnog ministarstva poljoprivrede, vodoprivrede i šumarstva, Ministarstva za građenje, prostorno uređenje i zaštitu okoliša USK-a i Nacionalnog parka „UNA“ koje je predlagač prihvatio. Za primjedbe i sugestije koje predlagač nije prihvatio (primjedba Ministarstva poljoprivrede, vodoprivrede i šumarstva USK-a da nema zakonskog osnova za donošenje predmetne Odluke i prijedlog MZ Ripač za smanjenje visine takse), dato je pojašnjenje razloga ne prihvatanja. Obzirom da su tokom rasprave na sjednici Gradskog vijeća iznešene određene primjedbe vijećnika, prijedlog Odluke je Zaključkom gradskog vijeća, broj: GV-19-5-133 od 03.09.2020. godine, odbijen.

Obzirom da je kod donošenja prvog prijedloga odluke, koji je odbijen, predlagač obezbijedio direktno i aktivno učešće zainteresirane javnosti, te da primjedbe iznešene na samoj sjednici Gradskog vijeća ne mijenjaju samu suštinu Odluke, ista se ponovno dostavlja Gradskom vijeću u formi prijedloga.

Razmatrajući primjedbe iznesene na sjednici Gradskog vijeća, predlagač je prihvatio primjedbu vezano za visinu takse za plutajuće objekte po pojedinim zonama, radi čega je izmijenjen član 15. Odluke,

Predlagač nije prihvatio sljedeće:

- primjedbu vezano za obimnu dokumentaciju koja se traži članom 7. Odluke, obzirom da su „Agencija za vodno područje rijeke Save“, Federalno ministarstvo poljoprivrede, vodoprivrede i šumarstva, kao i Nacionalni park „UNA“ u svojim primjedbama tražili da se kao jedan od obaveznih uslova propiše i „Ugovor o ograničenom pravu korištenja javnog vodnog dobra zaključen sa Agencijom za vodno područje rijeke Save“ Sarajevo, odnosno saglasnost JP Nacionalni park „UNA“ d.o.o. Bihać,

-primjedbu vezano za preciziranje zona, u smislu dodavanja područja kojima zone pripadaju sa nazivima mjesta, jer su zone određene prema mišljenju Službe za urbanističko planiranje i građenje, koje je dato na osnovu usvojene prostorno planske dokumentacije i termina koji su preuzeti iz Prostornog plana područja posebnih obilježja od značaja za FBiH „Sliv rijeke Une“, čime su predložene zone i definirane,

-primjedbu kojom je traženo propisivanje načina vezivanja plutajućih objekata, obzirom da prema mišljenju Službe za urbanističko planiranje i građenje nije moguće definirati način vezivanja objekata na obalu jer to zavisi od lokaliteta, radi čega je i prvobitni prijedlog Odluke dopunjen zabranom privezivanja plutajućeg objekta za drvo, kamen, klupu ili neki sličan predmet, kao i oštećivanje obala i izvođenje radova koji će narušiti izgled obale rijeke.

-primjedbu kojom je traženo ograničavanje broja i veličine plutajućih objekata, obzirom da je postavljanje plutajućeg objekta prije svega ovisno o površini javnog vodnog dobra kojeg ugostitelj dobije na korištenje zaključenjem ugovora sa Agencijom za vodno područje rijeke Save, te da je Odlukom već propisana maksimalna površina plutajućeg objekta (30,0 m<sup>2</sup>),

-primjedbu kojom je upozoreno na bespravnu gradnju na obalama rijeke Une, obzirom da navedena problematika nije predmet ove Odluke,

#### ***Potrebna finansijska sredstva:***

Za provođenje ove Odluke nije potrebno obezbijediti finansijska sredstva u Budžetu Grada Bihaća.

Imajući u vidu gore navedeno, predlaže se Gradskom vijeću Bihać da usvoji Prijedlog Odluke o uslovima i načinu korištenja plovila na rijeci Uni, kao u predloženom tekstu.

Prilog:

1. Prijedlog Odluke o uslovima i načinu korištenja plovila na rijeci Uni
2. Nacrt Odluke o uslovima i načinu korištenja plovila na rijeci Uni
3. Razlozi donošenja prvog prijedloga Odluke, sa obrazloženjem primjedbi
4. Zapisnik sa završne javne rasprave o Nacrtu Odluke

Obrađivač:  
Elvira Hadžić

Gradonačelnik  
Šuhret Fazlić

## PRIJEDLOG

Na osnovu člana 6. Zakona o unutrašnjoj i pomorskoj plovidbi („Službene novine Federacije BiH“, broj: 73/05), člana 12. alineja č) i nj) Zakona o lokalnoj samoupravi Unsko-sanskog kantona („Službeni glasnik USK-a“, br: 8/11), te člana 35. alineja c) i i) Statuta Grada Bihaća („Službeni glasnik Grada Bihaća“, br: 13/15 i 13/18) Gradsko vijeće Bihać na \_\_\_\_\_sjednici održanoj dana \_\_\_\_\_2021. godine donijelo je:

### ODLUKU

o uslovima i načinu korištenja plovila na rijeci Uni

#### DIO PRVI-OPĆE ODREDBE

##### Član 1.

(Predmet odluke)

Ovom Odlukom određuju se uslovi i način korištenja plovila na rijeci Uni, vrste i broj plovila koja se mogu koristiti, visina takse za korištenje plovila, nadzor nad provođenjem Odluke, te kaznene odredbe za nepoštivanje odredaba Odluke.

##### Član 2.

(Značenje pojmova)

Pojedini izrazi upotrebljeni u ovoj Odluci imaju sljedeća značenja:

- a) „plovilo“ – pod plovilom, u smislu ove Odluke, podrazumijeva se plovni objekt prikladan za plovidbu i plutanje na vodi, odnosno plutajući objekat, čamac, kao i ostala plovila koja se koriste u rekreativne i komercijalne svrhe (pedaline, bicikla na vodi, itd.),
- b) „plutajući objekat za pružanje ugostiteljskih usluga“ je naprava na vodi, registrovana za obavljanje ugostiteljske djelatnosti, stalno privezana ili usidrena, i koja nije osposobljena za plovidbu,
- c) „čamac“ unutrašnje plovidbe je plovilo namijenjeno za plovidbu na rijekama, jezerima i kanalima, dužine do 15m i širine do 3m, ili čija je istisnina manja od 15 tona,
- d) „ugostiteljska djelatnost“ je djelatnost koju može obavljati pravno i fizičko lice koje je registrirano za obavljanje ugostiteljske djelatnosti i uz ispunjavanje uvjeta propisanih Zakonom o ugostiteljskoj djelatnosti FBiH i propisima donesenim na osnovu njega,
- e) „ugostiteljske usluge na plovnom objektu“- ugostitelj može pružati usluge prehrane, pića i napitaka na svom plovnom objektu za najviše 20 gostiju istodobno.

##### Član 3.

(Obveznik takse)

Obveznici plaćanja takse za korištenje plovila na rijeci Uni su sva fizička i pravna lica koja su vlasnici registrovanih plovila i koja obavljaju registrovanu djelatnost.

##### Član 4.

(Prihodi od taksa)

Prihodi od taksa uplaćuju se na račun javnih prihoda Budžeta Grada Bihaća putem poslovne banke i bit će namjenski utrošeni za čišćenje i uređenje obale rijeke Une.

## DIO DRUGI-PLUTAJUĆI OBJEKTI

### Član 5.

#### (Uslovi za postavljanje)

Ugostitelji, vlasnici plutajućih objekata za pružanje ugostiteljskih usluga mogu postavljati plutajuće objekte na rijeci Uni pod uslovom da:

- a) imaju registrirani ugostiteljski objekat koji ima direktan pristup na rijeku Unu,
- b) je osposobljenost plutajućeg objekta za plutanje utvrđena u skladu sa Pravilnikom o načinu utvrđivanja sposobnosti za plutanje plutajućeg objekta na unutrašnjem i pomorskom plovnom putu („Sl. novine FBiH“, broj: 13/07),
- c) ispunjavaju opće uslove za pružanje ugostiteljskih usluga utvrđene Pravilnikom o pružanju ugostiteljskih usluga u pokretnim objektima („Sl. novine FBiH“, br. 40/10).
- d) imaju zaključen Ugovor o ograničenom pravu korištenja javnog vodnog dobra zaključen sa „Agencijom za vodno područje rijeke Save“ Sarajevo (u daljem tekstu: Agencija),
- e) imaju saglasnost NP „UNA“ ukoliko se plutajući objekat postavlja unutar područja Nacionalnog parka „UNA“.

### Član 6.

#### (Rješenje )

(1) Postavljanje plutajućeg objekta vrši se na osnovu rješenja koje donosi Gradonačelnik, putem Službe za strateško planiranje, upravljanje projektima, komunalne djelatnosti, vode i zaštite okoliša, a isto se donosi na osnovu zahtjeva stranke i po službenoj dužnosti.

(2) Rješenjem kojim se odobrava postavljanje plutajućeg objekta određuje se ugostitelj kojem se odobrava postavljanje plutajućeg objekta, detaljna oznaka i veličina lokacije čije se korištenje odobrava, namjena i vrsta plutajućeg objekta, vremenski period na koji se odobrava postavljanje plutajućeg objekta, visina takse i drugi elementi.

### Član 7.

#### (Dokumentacija uz zahtjev za postavljanje plutajućeg objekta)

Uz zahtjev za odobravanje postavljanja plutajućeg objekta, ugostitelj je dužan priložiti:

- a) ugovor o ograničenom pravu korištenja javnog vodnog dobra zaključen sa Agencijom.
- b) tehničku dokumentaciju koja treba da sadrži: tehnički opis sa osnovnim podacima o namjeni i veličini objekta, vrsti materijala, načinu obezbjeđenja objekta na vodi, prilaza objektu i načinu vezivanja objekta, te grafički prilog osnove objekta, profil i izgled objekta sa obale i sa vode
- c) rješenje nadležnog organa za obavljanje djelatnosti za koju traži postavljanje plutajućeg objekta,
- d) akt o registraciji firme,
- e) dokaz o osposobljenosti objekta za plutanje na rijeci Uni, izdan od strane Federalnog ministarstva prometa i komunikacija Mostar,
- f) saglasnost JP Nacionalni park „UNA“ d.o.o. Bihać.

## Član 8.

### (Period korištenja)

(1) Postavljanje plutajućeg objekta može se odobriti na period do 1 (jedne) godine, a najduže na period definisan Ugovorom o ograničenom pravu korištenja javnog vodnog dobra, zaključenim između ugostitelja, vlasnika plutajućeg objekta i Agencije.

(2) Pravnom i fizičkom licu koje nema neizmirenih obaveza prema Gradu Bihaću na ime takse po prethodno izdanim rješenjima, može se odobriti nastavak korištenja postavljenog plutajućeg objekta, po zahtjevu koji se podnosi Službi za strateško planiranje, upravljanje projektima, komunalne djelatnosti, vode i zaštitu okoliša najkasnije 30 dana prije isteka perioda utvrđenog prethodnim rješenjem.

## Član 9.

### (Uklanjanje)

Plutajući objekti postavljeni bez rješenja Gradonačelnika ili suprotno od uvjeta propisanih ovom Odlukom, odmah će se ukloniti.

## Član 10.

### (Zone u kojima je moguće postavljanje plutajućih objekata )

Zone u kojima se mogu postavljati plutajući objekti na rijeci Uni, obuhvataju:

- a) I zona, obuhvata 1000 metara, uzvodno i nizvodno od mostova, slapova, geomorfološki karakterističnih zona, sedrenih tvorevina i slično,
- b) II zona, obuhvata naseljena mjesta uz vodotok,
- c) III zona, obuhvata ostali tok vodotoka.

## Član 11.

### (Lokacije gdje nije dozvoljeno postavljanje plutajućih objekata )

(1) Postavljanje plutajućih objekata nije dozvoljeno:

- a) u nultoj zoni koja obuhvata granice užeg urbanog područja grada Bihaća shodno Urbanističkom planu grada Bihaća,
- b) na slapovima i sedrenim tvorevinama rijeke Une, u obuhvatu 200 metara uzvodno i nizvodno od slapova ( mjereći osovinom rijeke Une ),
- c) na lokacijama gdje je rijeka Una izrazito uskog toka ( < 30,0 m),
- d) u posebno zaštićenim prostorima, unutar zone nukleusa, unutar zone temeljnih prirodnih vrijednosti, unutar zone najstrože zaštite i unutar zone vrlo stroge zaštite, definiranih Prostornim planom područja posebnih obilježja od značaja za Federaciju BiH „ Sliv rijeke Une“ za period od 20 godina,

(2) Zabranjeno je privezivanje plutajućeg objekta za drvo, kamen, klupu ili neki sličan predmet, kao i oštećivanje obala i izvođenje radova koji će narušiti izgled obale rijeke.

## Član 12.

### (Opis plutajućih objekata)

(1) Maksimalna površina plutajućih objekata za pružanje ugostiteljskih usluga koji se postavljaju na rijeci Uni iznosi 30,0 m<sup>2</sup>.

(2) Podna obloga plutajućih objekata treba biti izrađena od laganih materijala, prirodnog izgleda drveta smeđe/crne/boje ili stakla, (zabranjena upotreba pleksiglasi).

(3) Stolice i stolovi trebaju biti od prirodnih materijala ili imitacija istih, jednoobrazni.

(4) Ograde oko plutajućih objekata mogu biti metalne konstrukcije (transparentne, prozirne u tamnoj boji, crna/tamno smeđa) ili staklo (zabranjen sjajni inox).

(5) Plutajući objekat može se natkriti konstrukcijom koja će biti identična konstrukciji ograde, iste materijalizacije, transparentna, prozirna, šuplja sa tekstilnim pokrivačem u bež ili bijeloj boji, bez natpisa.

(6) Svi materijali koji se upotrebljavaju za izradu plutajućeg objekta moraju imati certifikat da ne zagađuju okoliš/vodotok.

## DIO TREĆI-ČAMCI

### Član 13.

#### (Čamci)

(1) Čamci koji plove rijekom Unom mogu biti:

- a) čamci za osobne potrebe (unski lađa),
- b) čamci za sezonske ugostiteljske potrebe,
- c) čamci za turističke i sportske aktivnosti.

(2) Utvrđivanje osposobljenosti čamaca za plovidbu, upis čamaca u registar, te izdavanje plovidbene dozvole vrši Kapetanija unutrašnje plovidbe Ostrožac, Općina Jablanica.

(3) Broj čamaca navedenih u stavu (1) tačka b) i c) ovog člana je ograničen veličinom zona na rijeci Uni, utvrđenih u članu 10. stav (2) ove Odluke.

(4) Na rijeci Uni dozvoljen je pogon čamaca na veslo i elektro-pogon (akumulatori).

### Član 14.

#### (Zabrane)

(1) Na rijeci Uni zabranjena je upotreba čamaca koji klize na vodi (gliseri, ski skuteri).

(2) Za plovidbu čamaca na rijeci Uni zabranjeno je upotrebljavati motore sa pogonskim gorivom, izuzev za potrebe takmičenja kajak-kanu klubova.

(3) Na rijeci Uni zabranjena je upotreba čamaca dužine preko 8 metara i širine preko 3 metra.

(4) Na rijeci Uni zabranjena je upotreba velikih čamaca (preko 5 metara) u blizini uređenih kupališta i tradicionalnih kupališta gdje se okuplja veći broj ljudi.

(5) Zabranjena je upotreba čamaca za plovidbu unutar područja Nacionalnog parka „UNA“ bez prethodno pribavljene saglasnosti JP Nacionalni park „UNA“ d.o.o. Bihać.

## DIO ČETVRTI-TAKSE

### Član 15.

#### (Visina takse za plutajuće objekte)

(1) Ugostitelji, vlasnici plutajućih objekata plaćaju taksu za korištenje plutajućih objekata na rijeci Uni, koja po plutajućem objektu/godišnje, iznosi:

- a) I zona 500,00 KM
- b) II zona 400,00 KM
- c) III zona 300,00 KM



#### Član 16.

(Visina takse za čamce)

Ugostitelji i vlasnici čamaca iz člana 13. stav (1) tačka b) i c) ove Odluke plaćaju godišnju taksu za korištenje čamaca na rijeci Uni, koja po jednom čamcu/godišnje, iznosi:

- |             |           |
|-------------|-----------|
| a) I zona   | 250,00 KM |
| b) II zona  | 200,00 KM |
| c) III zona | 150,00 KM |

#### Član 17.

(Visina takse za ostala plovila)

Za plovne objekte za koje nije potrebna registracija, a koji se koriste za komercijalne svrhe, po jednom plovilu plaća se godišnja taksa u iznosu od 100,00 KM (pedaline, bicikli na vodi itd).

#### Član 18.

(Oslobađanja)

Taksa za korištenje plovila neće se naplaćivati u slijedećim slučajevima:

- a) ako su vlasnici čamaca udruženja građana (ribolovna, ekološka, itd.), koja čamce koriste u sportske i rekreativne svrhe,
- b) ako su vlasnici čamaca fizička lica koja čamce (unske lađe) koriste za vlastite potrebe,
- c) ako su čamci u funkciji spašavanja ljudi, imovine i dobara ili u funkciji provođenja policijskih i vojnih zadataka i obrane.

### DIO PETI-INSPEKCIJSKI NADZOR

#### Član 19.

(Inspeksijski nadzor)

Inspeksijski nadzor nad provođenjem odredaba ove Odluke vrše gradski vodni i komunalni inspektor.

#### Član 20.

(Ovlaštenja inspektora)

(1) U vršenju inspeksijskog nadzora, gradski vodni/komunalni inspektor je ovlašten da nadzire provođenje ove Odluke te da, u saradnji sa Policijskom upravom Bihać, naredi uklanjanje svih plovila koja se na rijeci Uni koriste suprotno odredbama ove Odluke.

(2) Na osnovu rješenja gradskog vodnog/komunalnog inspektora sva protupravno postavljena (vezana) plovila moraju se ukloniti u roku od osam dana.

(3) Ako vlasnik plovila ne izvrši uklanjanje plovila u roku određenom rješenjem gradskog vodnog/komunalnog inspektora, plovilo će ukloniti gradska inspekcija o trošku vlasnika plovila, uključujući troškove premještanja i čuvanja.

(4) Uklonjena plovila vlasnici su dužni preuzeti u roku od 30 dana uz namirenje nastalih troškova, a u suprotnom uklonjena plovila će se prodati na javnoj licitaciji radi podmirenja troškova.

DIO PETI – KAZNENE ODREDBE

Član 21.

(Prekršaji)

Novčanom kaznom u iznosu od 1.000,00 KM do 3.000, 00 KM kaznit će se ugostitelj, ako postupi suprotno odredbama člana 5., 6., 7. i 14. ove Odluke.

Član 22.

(Prekršaji)

Novčanom kaznom u iznosu od 3.000,00 KM do 9.000,00 KM kaznit će se ugostitelj, ako postupi suprotno odredbama člana 11. ove Odluke.

DIO ŠESTI- ZAVRŠNE ODREDBE

Član 23.

(Stupanje na snagu)

Ova Odluka stupa na snagu osmog dana od dana objavljivanja u „ Službenom glasniku Grada Bihaća“.

Gradsko vijeće

Broj: \_\_\_\_\_/20

Bihać, \_\_\_\_\_2020. godine

Predsjedavajući Gradskog vijeća

Zulfikar Handukić

## NACRT

Na osnovu člana 6. Zakona o unutrašnjoj i pomorskoj plovidbi („Službene novine Federacije BiH“, broj: 73/05), člana 12. alineja č) i nj) Zakona o lokalnoj samoupravi Unsko-sanskog kantona („Službeni glasnik USK-a“, br: 8/11), te člana 35. alineja c) i i) Statuta Grada Bihaća („Službeni glasnik Grada Bihaća“, br: 13/15 i 13/18) Gradsko vijeće Bihać na \_\_\_\_sjednici održanoj dana \_\_\_\_\_2020. godine donijelo je:

## O D L U K U

o uslovima i načinu korištenja plovila na rijeci Uni

### DIO PRVI-OPĆE ODREDBE

#### Član 1.

(Predmet odluke)

Ovom Odlukom određuju se uslovi i način korištenja plovila na rijeci Uni, vrste i broj plovila koja se mogu koristiti, te visina takse za korištenje plovila na rijeci Uni.

#### Član 2.

(Značenje pojmova)

Pojedini izrazi upotrebljeni u ovoj Odluci imaju sljedeća značenja:

- a) „plovilo“ je plovni objekt prikladan za plovidbu i plutanje na vodi i na moru, kao i ostala plovila koja se koriste u rekreativne i komercijalne svrhe (pedaline, bicikla na vodi, itd.),
- b) „plutajući objekat za pružanje ugostiteljskih usluga“ je naprava na vodi, registrovana za obavljanje ugostiteljske djelatnosti, stalno privezana ili usidrena, i koja nije osposobljena za plovidbu,
- c) „čamac“ unutrašnje plovidbe je plovilo namijenjeno za plovidbu na rijekama, jezerima i kanalima, dužine do 15m i širine do 3m, ili čija je istisnina manja od 15 tona,
- d) „ugostiteljska djelatnost“ je djelatnost koju može obavljati pravno i fizičko lice koje je registrirano za obavljanje ugostiteljske djelatnosti i uz ispunjavanje uvjeta propisanih Zakonom o ugostiteljskoj djelatnosti FBiH i propisima donesenim na osnovu njega
- e) „ugostiteljske usluge na plovnom objektu“- ugostitelj može pružati usluge prehrane, pića i napitaka na svom plovnom objektu za najviše 20 gostiju istodobno.

#### Član 3.

(Obveznik takse)

Obveznici plaćanja takse za korištenje plovila na rijeci Uni su sva fizička i pravna lica koja su vlasnici registrovanih plovila i koja obavljaju registrovanu djelatnost.

#### Član 4.

(Prihodi od taksa)

Prihodi od taksa uplaćuju se na račun javnih prihoda Budžeta Grada Bihaća putem poslovne banke i bit će namjenski utrošeni za čišćenje i uređenje obale rijeke Une.

### DIO DRUGI-PLUTAJUĆI OBJEKTI

## Član 5.

### (Uslovi za postavljanje)

Ugostitelji, vlasnici plutajućih objekata za pružanje ugostiteljskih usluga mogu postavljati plutajuće objekte na rijeci Uni pod uslovom da:

- a) imaju registrirani ugostiteljski objekat koji ima direktan pristup na rijeku Unu,
- b) je osposobljenost plutajućeg objekta za plutanje utvrđena u skladu sa Pravilnikom o načinu utvrđivanja sposobnosti za plutanje plutajućeg objekta na unutrašnjem i pomorskom plovnom putu („Sl. novine FBiH“, broj: 13/07),
- c) ispunjavaju opće uslove za pružanje ugostiteljskih usluga utvrđene Pravilnikom o pružanju ugostiteljskih usluga u pokretnim objektima („Sl. novine FBiH“, br. 40/10).

## Član 6.

### (Rješenje )

(1) Postavljanje plutajućeg objekta vrši se na osnovu rješenja koje donosi Gradonačelnik, putem Službe za komunalne djelatnosti, vode, zaštitu okoliša i komunalnu inspekciju, a isto se donosi na osnovu zahtjeva stranke i po službenoj dužnosti.

(2) Rješenjem kojim se odobrava postavljanje plutajućeg objekta određuje se ugostitelj kojem se odobrava, detaljna oznaka i veličina lokacije čije se korištenje odobrava, namjena i vrsta plutajućeg objekta, vremenski period na koji se odobrava postavljanje plutajućeg objekta, visina takse i drugi elementi.

## Član 7.

### (Dokumentacija uz zahtjev za postavljanje plutajućeg objekta)

Uz zahtjev za odobravanje postavljanja plutajućeg objekta, ugostitelj je dužan priložiti:

- a) ugovor o ograničenom pravu korištenja javnog vodnog dobra,
- b) idejni projekat plutajućeg objekta,
- c) rješenje nadležnog organa za obavljanje djelatnosti za koju traži postavljanje plutajućeg objekta,
- d) akt o registraciji firme,
- e) dokaz o osposobljenosti objekta za plutanje na rijeci Uni, izdan od strane Federalnog ministarstva prometa i komunikacija Mostar.

## Član 8.

### (Period korištenja)

(1) Postavljanje plutajućeg objekta može se odobriti na period do 1 (jedne) godine.

(2) Pravnom i fizičkom licu koje nema neizmirenih obaveza prema Gradu Bihaću na ime takse po prethodno izdanim rješenjima, može se odobriti nastavak korištenja postavljenog plutajućeg objekta, po zahtjevu koji se podnosi Službi za komunalne djelatnosti, vode, zaštitu okoliša i komunalnu inspekciju, najkasnije 30 dana prije isteka perioda utvrđenog prethodnim rješenjem.

## Član 9.

### (Uklanjanje)

Plutajući objekti postavljeni bez rješenja Gradonačelnika ili suprotno od uvjeta propisanih ovom Odlukom, odmah će se ukloniti.

#### Član 10.

(Zone u kojima je moguće postavljanje plutajućih objekata )

Zone u kojima se mogu postavljati plutajući objekti na rijeci Uni, obuhvataju:

- a) I zona, obuhvata 1000 metara, uzvodno i nizvodno od mostova, slapova, geomorfološki karakterističnih zona, sedrenih tvorevina i slično,
- b) II zona, obuhvata naseljena mjesta uz vodotok,
- c) III zona, obuhvata ostali tok vodotoka.

#### Član 11.

(Lokacije gdje nije dozvoljeno postavljanje plutajućih objekata )

Postavljanje plutajućih objekata nije dozvoljeno:

- a) u nultoj zoni koja obuhvata granice užeg urbanog područja grada Bihaća shodno Urbanističkom planu grada Bihaća,
- b) na slapovima i sedrenim tvorevinama rijeke Une, u obuhvatu 200 metara uzvodno i nizvodno od slapova ( mjereći osovnom rijeke Une ),
- c) na lokacijama gdje je rijeka Una izrazito uskog toka ( < 30,0 m),
- d) u posebno zaštićenim prostorima, unutar zone nukleusa, unutar zone temeljnih prirodnih vrijednosti, unutar zone najstrože zaštite i unutar zone vrlo stroge zaštite, definiranih Prostornim planom područja posebnih obilježja od značaja za Federaciju BiH „ Sliv rijeke Une“ za period od 20 godina.

#### Član 12.

(Opis plutajućih objekata)

- (1) Maksimalna površina plutajućih objekata za pružanje ugostiteljskih usluga koji se postavljaju na rijeci Uni iznosi 30,0 m<sup>2</sup>.
- (2) Podna obloga plutajućih objekata treba biti izrađena od laganih materijala, prirodnog izgleda drveta smeđe/crne/boje ili stakla, (zabranjena upotreba pleksiglasa).
- (3) Stolice i stolovi trebaju biti od prirodnih materijala ili imitacija istih, jednoobrazni.
- (4) Ograde oko plutajućih objekata mogu biti metalne konstrukcije ( transparentne, prozirne u tamnoj boji, crna/tamno smeđa) ili staklo (zabranjen sjajni inox).
- (5) Plutajući objekat može se natkriti konstrukcijom koja će biti identična konstrukciji ograde, iste materijalizacije, transparentna, prozirna, šuplja sa tekstilnim pokrivačem u bež ili bijeloj boji, bez natpisa.
- (6) Svi materijali koji se upotrebljavaju za izradu plutajućeg objekta moraju imati certifikat da ne zagađuju okoliš/vodotok.

### DIO TREĆI-ČAMCI

#### Član 13.

(Čamci)

- (1) Čamci koji plove rijekom Unom mogu biti:
  - a) čamci za osobne potrebe (unska lađa),
  - b) čamci za sezonske ugostiteljske potrebe,
  - c) čamci za turističke i sportske aktivnosti.
- (2) Utvrđivanje osposobljenosti čamacu za plovidbu, upis čamacu u registar, te izdavanje plovidbene dozvole vrši Kapetanija unutrašnje plovidbe Ostrožac, Općina Jablanica.

(3) Broj čamaca navedenih u stavu (1) tačka b) i c) ovog člana je ograničen veličinom zona na rijeci Uni, utvrđenih u članu 10. stav (2) ove Odluke.

(4) Na rijeci Uni dozvoljen je pogon čamaca na veslo i elektro-pogon (akumulatori).

#### Član 14.

##### (Zabrane)

(1) Na rijeci Uni zabranjena je upotreba čamaca koji klize na vodi (gliseri, ski skuteri).

(2) Za plovidbu čamaca na rijeci Uni zabranjeno je upotrebljavati motore sa pogonskim gorivom, izuzev za potrebe takmičenja kajak-kanu klubova.

(3) Na rijeci Uni zabranjena je upotreba čamaca dužine preko 8 metara i širine preko 3 metra.

(4) Na rijeci Uni zabranjena je upotreba velikih čamaca ( preko 5 metara) u blizini uređenih kupališta i tradicionalnih kupališta gdje se okuplja veći broj ljudi.

### DIO ČETVRTI-TAKSE

#### Član 15.

##### (Visina takse za plutajuće objekte)

(1) Ugostitelji, vlasnici plutajućih objekata plaćaju taksu za korištenje plutajućih objekata na rijeci Uni, koja po plutajućem objektu/godišnje, iznosi:

a) I zona	500,00 KM
b) II zona	450,00 KM
c) III zona	400,00 KM

#### Član 16.

##### (Visina takse za čamce)

Ugostitelji i vlasnici čamaca iz člana 13. stav (1) tačka b) i c) ove Odluke plaćaju godišnju taksu za korištenje čamaca na rijeci Uni, koja po jednom čamcu/godišnje, iznosi:

a) I zona	250,00 KM
b) II zona	200,00 KM
c) III zona	150,00 KM

#### Član 17.

##### (Visina takse za ostala plovila)

Za plovne objekte za koje nije potrebna registracija, a koji se koriste za komercijalne svrhe, po jednom plovilu plaća se godišnja taksa u iznosu od 100,00 KM (pedaline, bicikli na vodi itd).

#### Član 18.

##### (Oslobađanja)

Taksa za korištenje plovila neće se naplaćivati u slijedećim slučajevima:

a) ako su vlasnici čamaca udruženja građana (ribolovna, ekološka, itd.), koja čamce koriste u sportske i rekreativne svrhe,

b) ako su vlasnici čamca fizička lica koja čamce (unske lađe) koriste za vlastite potrebe,

c) ako su vlasnici čamaca organi uprave (policija, vatrogasci, vojska).

## DIO PETI-INSPEKCIJSKI NADZOR

### Član 19. (Inspekcijski nadzor)

Inspekcijski nadzor nad provođenjem odredaba ove Odluke vrše gradski vodni i gradski komunalni inspektor.

### Član 20. (Ovlaštenja inspektora)

(1) U vršenju inspekcijskog nadzora, gradski vodni/komunalni inspektor su ovlašteni da nadziru provođenje ove Odluke, te da u saradnji sa Policijskom upravom Bihać naredi uklanjanje svih plovila koja se na rijeci Uni koriste suprotno odredbama ove Odluke.

(2) Na osnovu rješenja gradskog vodnog/komunalnog inspektora sva protupravno postavljena (vezana) plovila moraju se ukloniti u roku od osam dana.

(3) Ako vlasnik plovila ne izvrši uklanjanje plovila u roku određenom rješenjem gradskog vodnog/komunalnog inspektora, plovilo će ukloniti gradska inspekcija o trošku vlasnika plovila, uključujući troškove premještanja i čuvanja.

(4) Uklonjena plovila vlasnici su dužni preuzeti u roku od 30 dana uz namirenje nastalih troškova, a u suprotnom uklonjena plovila će se prodati na javnoj licitaciji radi podmirenja troškova.

## DIO PETI – KAZNENE ODREDBE

### Član 21. (Prekršaji)

Novčanom kaznom u iznosu od 1.000,00 KM do 3.000, 00 KM kaznit će se ugostitelj, ako postupi suprotno odredbama člana 5., 6., 7. i 14. ove Odluke

### Član 22. (Prekršaji)

Novčanom kaznom u iznosu od 3.000,00 KM do 9.000,00 KM kaznit će se ugostitelj, ako postupi suprotno odredbama člana 11. ove Odluke

## DIO ŠESTI- PRELAZNE I ZAVRŠNE ODREDBE

### Član 23. (Stupanje na snagu)

Ova Odluka stupa na snagu osmog dana od dana objavljivanja u „ Službenom glasniku Grada Bihaća“.

Gradsko vijeće

Broj: \_\_\_\_\_/20

Bihać, \_\_\_\_\_2020. godine

Predsjedavajući Gradskog vijeća

Davor Župa

### **RAZLOZI DONOŠENJA PRVOG PRIJEDLOGA ODLUKE:**

Gradsko vijeće Bihać je na 53. sjednici održanoj dana 03.07.2019. godine donijelo Zaključak broj: GV-02-85/20 kojim je prihvatilo Nacrt Odluke o uslovima i načinu korištenja plovila na rijeci Uni i utvrdilo način i postupak provođenja javne rasprave, te imenovalo radno tijelo za provođenje javne rasprave.

Shodno Zaključku, javna rasprava je provedena u periodu od 03.07.2020. godine do 22.07.2020. godine na način da je Nacrt Odluke stavljen na javni uvid građanima na info pultu i prostorijama Službe za komunalne djelatnosti, vode, zaštitu okoliša i komunalnu inspekciju, na web stranici Grada Bihaća, te putem e-maila i pošte dostavljen Federalnom ministarstvu poljoprivrede, vodoprivrede i šumarstva, Ministarstvu poljoprivrede, vodoprivrede i šumarstva USK, Ministarstvu za građenje, prostorno uređenje i zaštitu okoliša USK-a, Agenciji za vodno područje rijeke Save Sarajevo, Savjetu za ekonomski razvoj Grada Bihaća, NP „UNA“, Turističkoj zajednici Grada Bihaća, Udruženju „Unski smaragdi“ Bihać, Udruženju „ABC“ Bihać, Udruženju ugostitelja „Una“ Bihać, Udruženju sportskih ribolovaca „Una“ Bihać, te mjesnim zajednicama Bakšaiš, Ripač i Gornje Prekounje.

Završnu javnu raspravu, koja je u vijećnici Grada Bihaća održana dana 24.07.2020. godine, sa početkom u 10:15 sati održali su članovi Radnog tijela Jasmin Stambolija i Elvira Hadžić ispred Službe za komunalne djelatnosti, vode, zaštitu okoliša i komunalnu inspekciju, te Adil Mušeta ispred MZ Ripač, dok završnoj javnoj raspravi nisu prisustvovali Almira Seferagić, predsjednik i Almir Budimlić, član ispred Gradskog vijeća Bihać.

Učešće u javnoj raspravi uzeli su:

- Senad Tutić, ispred Ministarstva poljoprivrede, vodoprivrede i šumarstva USK-a
- Alma Osmičević i Dinko Okanović, ispred Ministarstva za građenje, prostorno uređenje i zaštitu okoliša USK-a
- Adelhaida Zametica, ispred Službe za lokalno ekonomski razvoj Grada Bihaća i
- Sagrković Mirza, ispred mjesne zajednice Ripač.

***I Primjedbe, prijedlozi i sugestije, koje je predlagač smatrao opravdanim, te ih na odgovarajući način ugradio u predloženi tekst Odluke, odnosile su se na sljedeće:***

*1) Mišljenje „Agencije za vodno područje rijeke Save“ od 10.07.2020. godine, kojim se:*

- predlaže dopuna člana 5., u smislu da se kao jedan od obaveznih uslova propiše i „Ugovor o ograničenom pravu korištenja javnog vodnog dobra zaključen sa Agencijom za vodno područje rijeke Save“ Sarajevo, što je prihvaćeno i ugrađeno u predloženi tekst Odluke,
- predlaže izmjena člana 8., na način da se period korištenja uskladi sa periodom definisanim u Ugovoru o ograničenom pravu korištenja javnog vodnog dobra, što je prihvaćeno i ugrađeno u predloženi tekst Odluke,

*2) Prijedlog Federalnog ministarstva poljoprivrede, vodoprivrede i šumarstva od 17.07.2020. godine, kojim se:*

- predlaže dopuna člana 7. stav (1)., u smislu konkretnog propisivanja da se uz zahtjev dostavlja ugovor o ograničenom pravu korištenja javnog vodnog dobra zaključen sa Agencijom za vodno područje rijeke Save“ Sarajevo, je prihvaćen i ugrađen u predloženi tekst Odluke

*3) Primjedbe i sugestije Ministarstva za građenje, prostorno uređenje i zaštitu okoliša USK-a od 20.07.2020. godine, kojima se:*



-predlaže dopuna Nacrta Odluke u smislu dodatnog pojašnjenja pojma plovila i načina vezivanja plutajućeg objekta za obalu, *je prihvaćena i ugrađena u predloženi tekst Odluke,*

-*predlaže dopuna člana 7., u smislu pobližeg određivanja sadržine idejnog projekta koji se predaje uz zahtjev za postavljanje plutajućeg objekta, te propisivanje obaveze zaključivanja ugovora o ograničenom pravu korištenja javnog vodnog dobra sa Agencijom za vodno područje rijeke Save“ Sarajevo, je prihvaćena i ugrađena u predloženi tekst Odluke,*

4) *Prijedlog Nacionalnog parka „UNA“ je prihvaćen i ugrađen u predloženi tekst Odluke, na način da se za postavljanje plutajućih objekata i plovidbu čamaca unutar područja Nacionalnog parka mora prethodno pribaviti saglasnost JP Nacionalni park „UNA“ d.o.o. Bihać.*

***II Primjedbe, prijedlozi i sugestije koje predlagač nije smatrao opravdanim, i nije ugradio u predloženi tekst Odluke, odnosile su se na sljedeće:***

1) *Mišljenje Ministarstva poljoprivrede, vodoprivrede i šumarstva USK-a, od 20.07.2020. godine u kojem je navedeno da nema zakonskog osnova za donošenje predmetne Odluke, jer ovakva Odluka predstavlja segment upravljanja vodama koji reguliše Zakon o vodama FBiH („Sl.novine FBiH“;br.70/06), jer je Pravilnikom o načinu i uslovima ograničenog prava korištenja javnog vodnog dobra („Sl.novine FBiH“, br. 26/09) definirano za koje namjene javno vodno dobro može biti predmetom ograničenog korištenja, te da jedinice lokalne samouprave moraju biti uključene u definiranje urbanističko-tehničkih uvjeta za postavljanje plutajućih i drugih privremenih objekata, predlagač nije prihvatio:*

- jer je pravni osnov za donošenje predmetne Odluke taksativno pobrojan i obrazložen kod donošenja Nacrta Odluke, a to su: član 6. Zakona o unutrašnjoj i pomorskoj plovidbi („Službene novine Federacije BiH“, broj: 73/05), član 12. Zakona o lokalnoj samoupravi Unsko-sanskog kantona („Službeni glasnik USK-a“, br: 8/11) i član 35. alineja c) Statuta Grada Bihaća („Službeni glasnik Grada Bihaća“, br: 13/15 i 13/18),

- jer se radi o objektima koji plutaju i za koje prema pozitivnim zakonskim propisima nije moguće odrediti urbanističko-tehničke uvjete, pa se predloženom Odlukom nastoje propisati standardi i uslovi za postavljanje plutajućih i plovnih objekata na rijeci Uni i stvoriti preduslovi za odgovornije postupanje pravnih i fizičkih lica u oblasti ugostiteljsko-turističke djelatnosti,

- jer je Odlukom već propisano da je uz zahtjev za postavljanje plutajućeg objekta ugostitelj dužan priložiti i ugovor o ograničenom pravu korištenja javnog vodnog dobra koji se, uz ispunjavanje određenih uvjeta, zaključuje sa Agencijom za vodno područje rijeke Save“,

- jer je „Agencija za vodno područje rijeke Save“, kao organ koji je nadležan za upravljanje na vodotocima I kategorije i kao organ koji daje stručna mišljenja i sudjeluje u pripremi politike sektora voda i legislative koja se odnosi na vode, u svom mišljenju na Nacrt Odluke dala dva konstruktivna prijedloga, koja su i prihvaćena od strane predlagača

2) *Prijedlog MZ Ripač, kojim se predlaže smanjenje visine takse za plutajuće objekte i čamce, nije prihvaćen.*

**BOSNA I HERCEGOVINA**  
**FEDERACIJA BOSNE I HERCEGOVINE**  
**UNSKO-SANSKI KANTON**  
**GRAD BIHAĆ**  
**GRADONAČELNIK**

Broj: 04/1-19-5-sl/20

Bihać, 24.07.2020. godine

**Z A P I S N I K**

Sa završne javne rasprave o Nacrtu Odluke o uslovima i načinu korištenja plovila na rijeci Uni, koja je održana u vijećnici Grada Bihaća dana 24.07.2020. godine sa početkom u 10,00 sati.

Završnu javnu raspravu održali su članovi radnog tijela Gradskog vijeća, i to:

1. Jasmin Stambolija (ispred Službe za komunalne djelatnosti, vode, zaštitu okoliša i komunalnu inspekciju)
2. Elvira Hadžić (ispred Službe za komunalne djelatnosti, vode, zaštitu okoliša i komunalnu inspekciju)
- i
3. Adil Mušeta, (ispred zainteresirane javnosti).

Završnoj javnoj raspravi nisu prisustvovali Almira Seferagić, predsjednik i Almir Budimlić, član Radnog tijela ispred Gradskog vijeća Bihać.

Završnu javnu raspravu u 10:15 sati otvorila je član radnog tijela Elvira Hadžić, te u kratkim crtama upoznala prisutne sa temom javne rasprave i načinom vođenja iste.

Javnoj raspravi prisustvovali su:

- Senad Tutić, ispred Ministarstva poljoprivrede, vodoprivrede i šumarstva USK-a
- Alma Osmičević i Dinko Okanović, ispred Ministarstva za građenje, prostorno uređenje i zaštitu okoliša USK-a
- Adelhaida Zametica, ispred Službe za lokalno ekonomski razvoj Grada Bihaća
- Mirza Sagrković, ispred mjesne zajednice Ripač.

Svi učesnici u javnoj raspravi pozdravljaju i cijene opravdanim nastojanja Gradske uprave Bihać da se stanje u ovoj oblasti uredi, te su s tim u vezi i iznijeli slijedeće primjedbe, prijedloge, sugestije i mišljenja:

- Ministarstvo poljoprivrede, vodoprivrede i šumarstva USK-a primjedbu, koja je dostavljena i pismenim putem, u kojoj je navedeno da nema zakonskog osnova za donošenje ovakve Odluke jer ista predstavlja segment upravljanja vodama koji reguliše Zakon o vodama FBiH („Sl.novine FBiH“;br.70/06), jer je Pravilnikom o načinu i uslovima ograničenog prava korištenja javnog vodnog dobra („Sl.novine FBiH“, br. 26/09) definirano za koje namjene javno vodno dobro može biti predmetom ograničenog korištenja, te da jedinice lokalne samouprave moraju biti uključene u definiranje urbanističko-tehničkih uvjeta za postavljanje plutajućih i drugih privremenih objekata, radi čega se predlaže jedinici lokalne samouprave da inicira izmjene navedenog Pravilnika,

- Ministarstvo za građenje, prostorno uređenje i zaštitu okoliša USK-a primjedbe i sugestije koje su također dostavljene i pismenim putem, a kojima se predlaže dodatno pojašnjavanje određenih pojmova u predloženoj odluci, pobliže određivanje sadržine idejnog projekta koji se mora priložiti kod podnošenja zahtjeva, propisivanje obaveze zaključenja ugovora o ograničenom pravu korištenja javnog vodnog dobra sa Agencijom za vodno područje rijeke Save, pojašnjenje načina vezanja

plutajućih objekata uz obalu, te pobliže definiranje zona u kojima je dozvoljeno i zona u kojima je zabranjeno postavljanje plutajućih objekata, obzirom da su iste dosta neodređeno i okvirno postavljene u predloženom tekstu,

- MZ Ripač prijedlog da se odlukom propišu niži iznosi takse, imajući u vidu da su ugostitelji koji pružaju usluge na postavljenim plutajućim objektima u ovoj mjesnoj zajednici već značajno finansijski opterećeni raznim drugim davanjima.

Imajući u vidu da se navedena oblast po prvi puta normativno uređuje, predstavnici nadležne Službe dali su učesnicima javne rasprave sva potrebna pojašnjenja u vezi iznesenih primjedbi i prijedloga.

Javna rasprava je završena u 11:20 sati.

Zapisnik vodila:

Elvira Hadžić